

Gedragkode soos opgestel deur Goudveld-Hoërskool: Beheerliggaam in oorleg met Goudveld-Hoërskool: leerders, bestuurspan, opvoeders, ouers volgens:

1. Die Grondwet van die Republiek van Suid-Afrika 1996
2. Suid-Afrikaanse skolewet 1996 (Wet No. 84 van 1996)
3. Riglyne vir 'n gedragkode vir leerders (Kennisgewing 776 van 1996)
4. Provinsiale regulasies oor skorsing

1. Inleidende oriëntering

Volgens Kennisgewing 776 van 1998 dien die volgende beginsels, filosofie en etos soos vervat in die Suid-Afrikaanse Skolewet 84 van 1996 as aanhef tot Goudveld-Hoërskool se gedragkode vir leerders.

Die Suid-Afrikaanse Skolewet 84 van 1996 bepaal in Artikel 8 (1) die volgende:

- Behoudens enige toepaslike provinsiale wet moet 'n beheerliggaam van 'n openbare skool 'n gedragkode vir leerders aanvaar na oorleg met die leerders, ouers en opvoeders van die skool.
- 'n Gedragkode soos in subartikel (1) bedoel, moet daarop gemik wees om 'n gedissiplineerde en doelgerigte skoolomgewing, wat toegewys is aan die bevordering en instandhouding van die gehalte van die leerproses, te vestig.
- Die Minister kan, na oorlegplegging met die Raad van Onderwysministers, riglyne bepaal vir oorweging deur beheerliggame in die aanvaarding van 'n gedragkode vir leerders.
- Geen beplating van hierdie Wet stel 'n leerder vry van die verpligting om die gedragkode van die skool, wat deur sodanige leerder bygewoon word, na te kom nie.
- 'n Gedragkode moet bepalinge van 'n behoorlike regsproses bevat om die belange van die leerder en enige party wat by dissiplinêre handeling betrokke is, te beskerm.
- Volgens Kennisgewing 776 van 1998 (p.17) word hier daarna verwys dat, alhoewel die Staat die verpligting het om onderwys beskikbaar en toeganklik te maak, dit aangevul moet word deur die toewyding en aanvaarding van verantwoordelikheid deur die ander vennote in onderwys, onder meer leerders, opvoeders en ouers.

Skorsing en uitsetting uit openbare skool

- (1) Behoudens hierdie Wet en enige toepaslike provinsiale wet, kan die beheerliggaam van 'n openbare skool, na 'n regverdig verhoor, 'n leerder skors van bywoning van die skool
 - (a) as 'n korrektiewe maatreël vir 'n tydperk waar nie een week te bowe gaan nie;
 - (b) in afwagting van 'n beslissing deur die Departementshoof of die leerder uit die skool gesit moet word.
Behoudens enige toepaslike provinsiale wet, mag 'n leerder by 'n openbare skool uit die skool gesit word slegs –
- (2)
 - (a) deur die Departementhoof; en
 - (b) indien hy of sy na 'n regverdig verhoor skuldig bevind is aan ernstige wangedrag.
Die Lid van die Uitvoerende Raad bepaal, by kennisgewing in die Provinsiale Koerant-
- (3)
 - (a) die gedrag van 'n leerder by 'n openbare skool wat as ernstige wangedrag beskou word;
 - (b) dissiplinêre prosedures wat in sodanige gevalle gevolg moet word;
 - (c) bepalinge van 'n behoorlike regsproses om die belange van die leerder en enige ander party wat by dissiplinêre handeling betrokke is, te beskerm.
- (4) 'n Leerder of die ouer van 'n leerder wat uit 'n openbare skool gesit is, kan teen die beslissing van die Departementshoof appél aanteken by die Lid van die Uitvoerende Raad.
- (5) Indien 'n leerder wat ingevolge artikel 3 (1) aan verpligte bywoning onderhewig is, uit 'n openbare skool gesit word, moet die Departementshoof 'n alternatiewe reëling tref vir sy of haar plasing by 'n ander skool.

Verbod op lyfstraf

- (1) Geen persoon mag by 'n skool lyfstraf aan 'n leerder toedien nie.
- (2) Enige persoon wat subartikel (1) oortree, is skuldig aan 'n misdryf en by skuldigbevinding strafbaar met 'n vonnis wat vir aanranding opgele kan word.

Goudveld-Hoërskool wil deur die gedragskode vir leerders 'n kultuur van versoening, onderrig en wedersydse respek skep, asook die vestiging van 'n kultuur van verdraagsaamheid en vrede in alle skole onderskryf.

2. Basiese uitgangspunte (etiek) tot gedragskode

- Ons glo in die drie-enige God, onderskryf Christelike norme en waardes en leef dit daadwerklik uit.

- Ons ervaar gesag, respekteer ons mede-leerders, leiers en ondersteun hulle volledig. Elke leerder moet die Christelike norme en waardes respekteer en in sy/haar daaglikse lewe 'n voorbeeld vir sy/haar mede-leerders wees.
- Ons glo in lojaliteit, eerlikheid, intergriteit en selfdisipline. Ons streef netheid, flinkheid en hoflikheid na.
- Ons streef na menswaardigheid ten opsigte van almal. Die welsyn en geluk van elke leerder van Goudveld-Hoërskool is 'n hoë prioriteit. Ons reik uit en ervaar graag vriendskap en toegeneëndheid.
- Dit is ons benadering en ons strewe om alles wat ons doen na die beste van ons vermoëns te doen.
- Ons weet dit is 'n voorreg om deel van Goudveld-Hoërskool te wees en daarom bou ons voort aan ons skool se goeie naam en roemryke tradisie.
- As Gouties glo ons in samewerking en aktiewe deelname op alle terreine, werklike omgee vir mekaar, goeie kommunikasie en 'n vriendelike atmosfeer – dit dra alles by tot 'n eiesoortige spangees en verstewig ons bande.
- Ons verwagting is dat die skool positief en pro-aktief in ons toekoms sal belê. Die intergrale ontwikkeling van leerders op akademiese-, sport-, kultuur- en geestelike terrein is van kardinale belang.
- Elke leerder het 'n unieke persoonlikheid waarvoor ruimte gegee moet word om op alle terreine ten volle te ontwikkel, binne die perke soos gestel in die gedragskode.
- Elke jongmens kom ten beste tot sy/haar reg in 'n milieu waar suiwer waardes nagestreef word en elkeen weet wat van hom/haar verwag word.
- Om sien die bereiking van hierdie doelstellings nie as 'n stel reëls nie, maar as 'n omskrywing van die praktyk waarby die hele skoolgemeenskap inskakel.

3. Die praktyk van die gedragskode

3.1 Skoolbywoning en die daaglikse program

- 3.1.1 Getroue skoolbywoning is vir elke Goutie belangrik. Indien 'n leerder weens siekte en/of 'n ander rede afwesig is, stel die ouers die skool per brief aan die voogonderwyser in kennis. Hierdie brief (van ouer/dokter/begravnisondernemer) moet aan die registeronderwyser

getoon word sodra leerder weer by die skool is. Twee dae grasie, word toegestaan, anders tree dissiplinêre aksie in (kat. 2 nr. 19).

Indien daar 'n vermoede bestaan dat hierdie brief deur die leerder self geskryf/getik is, moet die graadvoog dadelik daarvan in kennis gestel word.

- 3.1.2 Leerders tree om 07:20 as die klok lui dadelik op die plaveisel in klasverband vir die opening aan. Om 07:25 moet almal stil en ordelik aangetree wees. Die aantree moet flink en vinnig geskied. Na opening beweeg die leerders ordelik en stiptelik na die registerklasse of die eerste periode.
- 3.1.3 Klaswisseling is vinnig, flink en ordelik in rye. Dadelik n  die klok vir die einde van 'n periode gelui het, moet die leerders na die volgende klas beweeg. Niemand mag tydens klaswisseling die kleedkamers besoek of 'n onderwyser nie. Gedurende die toesigperiodes geld dieselfde orde-reelings.
- 3.1.4 Tydens pouse beweeg die leerders dadelik uit die geboue uit om op die terrein te ontspan. Niemand mag sonder toesig in enige lokaal wees nie. Na pouse moet daar vinnig na die klasse beweeg word. Binne drie minute nadat die klok vir die einde van die pouse gelui het, moet die leerders in hul klasse wees.
- 3.1.5 'n Goutie het respek vir die goeie orde in die skool. Tydens godsdiensoopeninge en godsdiensafsluitings en ander afkondigings moet stilte gehandhaaf word.
- 3.1.6 Leerders mag nie die skoolterrein verlaat sonder skriftelike toestemming deur die sekretaresse nie. Hierdie briefies moet die volgende dag by die graadvoog ingehandig word.
- 3.1.7 Mediese- en ander roetine-afsprake moet sover moontlik tot die middag beperk word.
- 3.1.8 Alle besoekers voor, na en gedurende die skooldag moet by die kantoor aanmeld. Geen ander leerder mag enige besoeker op die skoolterrein of by die hekke of die skoolomheining te woord staan tydens pouse of gedurende die skooldag nie.
- 3.1.9 Leerders wat tydens onderrig die onderriglokaal verlaat, moet 'n toestemmingsbewys van die opvoeder by wie hy/sy onderrig op die tydstep ontvang, by hom/haar h .
- 3.1.10 Leerders mag geen selfone tydens onderrig of saalbyeenkomste (aangeskakel) by hulle h  of met selfone speel nie.

3.2 In die klaskamer en benadering tot akademie

- 3.2.1 'n Goutie gedra hom/haar so dat 'n gesonde leerkultuur in ons skool gehandhaaf en bevorder kan word. Pligsgetrouheid is 'n belangrike prioriteit vir elke Goutie. Daar moet met selfdisipline gewerk word en gestreef word na eie insig en begrip van alle vakinhoudes.
- 3.2.2 'n Goutie konsidireer ander leerders, daarom mag lesse nie onderbreek word nie en elke leerder moet die geleentheid gegun word om die vakinhoudes te bemeester.
- 3.2.3 Opdragte van elke opvoeder met nougeset, stiptelik en netjies uitgevoer word.
- 3.2.4 Klaskamers moet te alle tye skoon en netjies gehou word asook alle meublement, hulpmiddele en versierings.
- 3.2.5 Gedurende eksamentye en toetse respekteer elke Goutie sy/haar medeleerders en sorg dat die eksamen en/of toets ordelik en sonder steurnis afgelê word.
- 3.2.6 'n Goutie sorg dat sy/haar ouers deurlopend, volledig en stiptelik ingelig is oor alle ouer- en inligtingsaande, sy/haar toetsuitslae en/of eksamenuitslae en algemene vordering.
- 3.2.7 Elke leerder dra die verantwoordelikheid om werk waarmee hy/sy agter geraak het, self in te haal.

3.3 Buite die klaskamer

- 3.3.1 Elke Goutie is deel van Goutieland en dra positief by tot die goeie naam en beeld van die skool. Goeie maniere, selfdisipline en selfbeheersing is tipiese eienskappe van elke leerder van Goudveld-Hoërskool.
- 3.3.2 Alle byeenkomste moet gekenmerk word deur ordelikheid. Alle gaste, besoekers en sprekers moet te alle tye gerespekteer word en beleefd gegroet word. Geen Goutie mag 'n gas, besoeker, spreker of opvoeder aanspreek of nader met sy/haar hande in sy/haar sakke nie.
- 3.3.3 Elke Goutie dra by tot die netjiese en skoon voorkoms van die skoolterrein en moet dit deurgaans so hou.
- 3.3.4 Op en langs die sportveld moet elke Goutie (ouers, opvoeders, afrigters en deelnemers) ware sportmangees openbaar. Respek moet deurgaans teenoor medespelers, opponente, skeids- en lynregters, toeskouers,

ondersteuners en enige ander beamptes betoon word. Elke Goutie-deelnemer moet in die voorgeskrewe drag (3.4) geklee wees en geen vuil of kru taal is toelaatbaar nie (sien Kategorie 1 nr. 12 vir dissiplinêre aksie).

3.3.5 Gouties wat as toeskouer by enige byeenkoms optree, moet in die voorgeskrewe drag geklee wees en deurgaans optree soos in 3.3.4 beskryf. 'n Leerder wat die reël oortree sal gevra word om die terrein te verlaat.

3.3.6 Alle uitstappies moet gekenmerk word deur hoflike, vriendelike en onberispelike gedrag en optrede. Elke leerder moet soos voorgeskryf, geklee wees.

3.3.7 Deelname aan en betrokkenheid by alle skoolaktiwiteite deur leerders, ouers en opvoeders bevorder 'n positiewe gees. Ondersteuning van mede-leerders wat betref buitemuurse-, sport- en kultuurbyeenkomste is deel van Goudveld-Hoërskool se kultuur.

3.4 Voorkoms

3.4.1 Kleredrag

Dit is 'n voorreg vir elke Goutie om aan sy/haar skooldrag uitgeken te word en 'n netjiese voorkoms dra by tot die positiewe gees en beeld van Goudveld-Hoërskool. Eenvormigheid en netheid kweek ook trots by elke Goutie en alle persone betrokke by die skool. Die voorgeskrewe skooldrag en sportdrag en die reëls vir die algemene voorkoms van elke Goutie geld te alle tye.

3.4.1.1 Meisies

Wintersdrag

- Skoollangbroek: moet met 'n baadjie, donkerblou sokkies (sonder patrone). Broek mag 'n ritsluiters aan die sy- of voorkant hê.
- Romplengte: as leerder op knieë staan, vier vingers bo knie, swart decitex sykouse.
- Skoolhemp met das, skooltrui, baadjie. Hemp moet te alle tye ingestek wees.
- Skoene met bandjies. (NIE veters nie).

Somersdrag

- Skoolrok soos voorgeskryf: lengte soos by romp.
- Wit sokkies (nie opgerol, sonder patrone/frillettjies).

Uitgaandrag

- Voorgeskrewe romp, hemp, das, sykouse, skoolskoene, skoolbaadjie.

Sportdrag

- Elke sportsoort se voorgeskrewe klere en sweetpak.
- Geen skoolbaadjie mag by 'n sweetpak gedra word nie.
- Geen juwele mag gedra word tydens 'n wedstryd nie.

Hare

- Hare mag matig gekleur word. Slegs een kleur. Geen sonstrepe.
- Indien hare langer is as die onderste deel van die kraag, moet dit vasgemaak word.
- Kleur van linte, rekkies, ensovoorts: somer – wit winter – swart, donkerblou.
Geen uitheemse kapsels is toelaatbaar nie (byvoorbeeld slierte agter of voor die ore).
Gel mag matig gebruik word.
Hare mag nie in die oë hang nie.
Geen hare of haarstukke mag ingevleg word, geen fyn vlegsels en geen “Afro-style” is toelaatbaar nie.
Sien beleid vir verder detail.

Ander

- Juwele : Ooringe: net een per oor in oorlel maksimum grootte soos nuwe 5 sent en nie te dik nie (1 mm) slegs silwer/goud sonder stene.
- Tongringe: Geen.
- Horlosie : Nie voorgeskryf nie.
GEEN ander kettings/bandjies om hals, enkels, arms nie.
- Naels : Indien hand regop gehou word, mag die naels nie oorsteek vanaf die palmkant nie. Kleurlose naelpolitoer toelaatbaar.
- Grimering: Geen (ondelaag ingesluit).

3.4.1 Seuns

Wintersdrag

- Skoollangbroek (pype mag nie afgewerk word nie).
- Skoolhemp met das, skooltrui, baadjie.
- Skoene: swart (geen stiksels of gespes nie).

Somersdrag

- Skoolkortbroek (besig met uitfasering) of langbroek (Graad 8 en 9).
- Langbroek (Graad 10 en 12).
- Kortmou skoolhemp.

Uitgaandrag

- Skoollangbroek
- Hemp en das
- Baadjie
- Trui

Sportdrag

- Elke sportdrag se voorgeskrewe klere en sweetpak.
- Die Goutie-kortbroek is slegs 'n oefenbroek (seuns en meisies) en mag slegs vir tenniswedstryde gebruik word.
- Geen juwele mag tydens 'n wedstryd gedra word nie.

Hare

- Kort gesny – mag nie die kraag raak nie.
- Wolwange (sidies) mag nie langer as die middel van die oor wees nie.
- Kuif moet kort wees en nie die ooghare raak nie.
- Bo moet hare kort gesny wees.
- Geen “step” word toegelaat nie.
- Gel mag matig gebruik word. Hare mag nie gekleur word nie.
- Indien hare regop gekam word mag dit nie langer as 3 cm wees nie. Sien beleid vir verder detail.

Ander

- Geen juwele is toelaatbaar nie.
- Seuns moet altyd (ook tydens eksamentye) skoon geskeer wees.
- Seuns se naels moet kort en skoon wees.
- Skoolbroeke moet met 'n netjiese swart gordel (“belt”) gedra word en geen buitensporige gespes (“buckle”) word toegelaat nie.

Algemeen

- Geen skoolbaadjie by sweetpak (seuns en meisies).
- Geen drimac onder skoolbaadjie (seuns en meisies).

Tasse

- Moet stewige afskortings hê.

Provinsiale drag

- Vrydae kan provinsiale spanbaadjies en/of eerstespanbaadjies gedra word.

Dissipline

- By skorsing en/of uitsetting vind dissiplinêre verhore plaas ooreenkomstig die skool se beleid.
- Kategorie 1 oortredings kan daartoe lei dat leerders onmiddellik permanent uitgesluit kan word nadat dissiplinêre verhoor plaasgevind het.
- Die Skoolhoof het die reg om leerders se eksamenvoorregte /matriekafskeid in sekere gevalle op te skort.

Tye vir detensie:

- 1) Akademiese detensie - Vrydae 14:15 – 16:15
- 2) Gedragsdetensie - Vrydae 14:15 – 17:15

3.5 Kategorie 1 - oortredings

OORTREDING			OUERS JA/NEE	DISSIPLINêRE AKSIE (VOORWAARDE)
1.	Propagering of beoefening van Satanisme of okkultiese bedrywighede	X 1	Ja	Finale waarskuwing (Berading)
		X 2	Ja	Permanente uitsluiting
2.	Seksuele wangedrag (betasting, teistering)	X 1	Ja	Finale waarskuwing (Berading)
		X 2	Ja	Permanente uitsluiting (Polisie waar nodig)
3.1	Die gebruik/besit van dwelmiddels of onder die invloed van of in besit van alkohol.	X 1	Ja	Berading
		X 2	Ja	Permanente uitsluiting
4.	Besit van vuurwapens of ander gevaarlike wapens (bv. messe, skerp voorwerpe)	X1	Ja	Detensie (2) (Polisie waar nodig)
		X 2	Ja	Permanente uitsluiting
5.	Krimenele oortredings: Diefstal of in besit van gesteelde goedere, aanranding, onsedelikheid	X 1	Ja	Detensie (2) (Finansiële implikasie)
		X 2	Ja	Detensie (2) (Finansiële implikasie)
		X 3	Ja	Permanente uitsluiting
6.	Vandalisme/saakbeskadiging	X 1	Ja	Detensie (2) (Finansiële implikasie)
		X 2	Ja	Permanente uitsluiting
7.	Besit en verspreiding van ponografiese materiaal	X 1	Ja	Detensie (2)
		X 2	Ja	Berading
		X 3	Ja	Permanente uitsluiting
8.	Oneerlikheid: afskryf in toetse/eksamen	X 1	Ja	Kry 0 in toets en eksamen
		X 2	Ja	Kry 0 in toets Kry 0 in eksamen
		X 3	Ja	Uitsluiting 1 week Permanente uitsluiting
9.	Bedrog (vervalste briewe/ dokumente/verslae/ telefoon-oproep/handtekening/vals inligting)	X 1	Ja	Detensie (2)
		X 2	Ja	Opskorting van ekamen voorregte

10.	Rook op skoolterrein of elders in skooldrag of in besit van sigarette op skoolterrein of enige skool aktiwiteite of in teenwoordigheid van oortreder/s	X 1	Ja	Detensie (2)
		X 2	Ja	Detensie (2)
		X 3	Ja	Opskorting van ekamen voorregte
11.	Afwesig sonder skriftelike kennisgewing/toestemming van klas/periode/skool en verlaat skool/klas/periode sonder magtiging (stokkiesdraai)	X 1	Ja	Detensie (2)
		X 2	Ja	Detensie (2)
		X 3	Ja	Opskorting van ekamen voorregte
12.	Vloek, beledigende of vernederende aanmerkings of tekens teenoor enigeen	X 1	Ja	Detensie (2)
		X 2	Ja	Detensie (3)
		X 3	Ja	Opskorting van eksamenvoorregte
13.	Klasontwriging	X 1	Ja	Detensie (1 - 2)
		X 2	Ja	Detensie (2)
		X 3	Ja	Opskorting van eksamenvoorregte
		X 4	Ja	Tugverhoor
14.	Negering van skool se dissiplinêre stappe (detensie)	X 1		Detensie (2)
		X 2	Ja	Opskorting van ekamen voordele
15.	Geweld (baklei, dreig, intimidasie, afknou, klipgooiery, viktimisasie, doelbewuste besering veroorsaak)	X 1	Ja	
		X 2	Ja	Detensie (2) Berading Uitsluiting drie dae Permanente uitsluiting
		X 3	Ja	
16.	Oneerbiedige gedrag (aantasting van menswaardigheid, rasaanmerkings, spot, ongeskik, teenoor personeel/ werkers/verbale agressie)	X 1	Ja	Detensie (1)
		X 2	Ja	Detensie (2)
		X 3	Ja	Opskorting van ekamen voordele

3.6

Kategorie 2 - oortredings

OORTREDING			OUERS JA/NEE	DISSIPLINêRE AKSIE (VOORWAARDE)
1.	Optrede of gedrag wat 'n verleentheid vir of dislojaal teenoor die skool is (bv. amok by laerskole), oneerlikheid	X 1		Detensie (1)
		X 2	Ja	Detensie (2)
		X 3	Ja	
2.	Krap/merke op banke, mure, teëls, vensters, deure, muurversierings, graffiti, pornografiese /onsedelike sketse/briewe /tekens/prente en verniel van skoolboeke en tasse	X 1		Detensie (1) (Herstel skade/vervang)
		X 2	Ja	Detensie (2) (Herstel skade/vervang)
3.	Wegsteek van: boeke, tasse, klere en ander eiendom	X 1		Detensie (1)
		X 2	Ja	Detensie (2)
4.	Afwesig sonder verlof of kennis: sport/kultuur byeenkoms	X 1		Detensie (1)
		X 2	Ja	Geen deelname (een byeenkoms)
		X 3	Ja	Uit span of kultuurbedrywighede
5.	Liefkosing/omhelsing hande vashou in skooldrag	X 1		Waarsku
		X 2	Ja	Detensie (1)
		X 3	Ja	Detensie (2)
6.	Speel met brandslange/gooi van waterbomme	X 1	Ja	Detensie (1) (Herstel skade)
		X 2	Ja	Detensie (2)
7.	Betree verbode terrein: skooltyd/sokkies/ander byeenkomste/funksies of sonder toesig/toestemming in klaskamers: pouse, voor skool, tydens saalopening en na skool	X 1	Ja	Detensie (1)
		X 2	Ja	Detensie (2)
		X 3	Ja	Geen bywoning van natuurse aktiwiteite
8.	Huiswerkversium	X 1		Aanteken
		X 2		Aanteken
		X 3	Ja	Detensie (1)
9.	Boek(e) vergeet/skeurstrokie(s)/koevert vergeet/toetse nie laat teken nie	X 1		Aanteken
		X 2		Aanteken
		X 3	Ja	Detensie (1)

10.	Laat vir skool/klas	X 1		Warsku
		X 2		Detensie (1)
		X 3		Detensie (2)
11.	Kougom kou, spoeg, eet of drink in klasse of gedurende klaswisseling/saalopening	X 1		Warsku
		X 2		Detensie (1)
		X 3		Detensie (2)
12.	Rommelstrooiing	X 1		Warsku
		X 2		Detensie (1)
		X 3		Detensie (2)
13.	Netheidskontrole	X 1		Waarsku (Oprium)
		X 2	Ja	Detensie (1) (Oprium)
		X 3		Detensie (2) (Oprium)
14.	Negatiewe houding	X 1		Waarsku
		X 2	Ja	Detensie (1)
		X 3	Ja	Detensie (2)
15.	Wangedrag tydens saalbyeenkomste en openinge	X 1		Waarsku (Rapporteer by VRL-voogde)
		X 2	Ja	Detensie (1)
		X 3	Ja	Detensie (2)
16.	Huiswerk afskryf (Die een wat afskryf sowel as die een by wie afgeskryf is, indien met sy/haar medewete/oneerlikheid oor goed wat weg is of by die skool moet wees)	X 1	Ja	Detensie (1)
		X 2	Ja	Detensie (2)
17.	Versium om detensievorm af te haal sodra naam uitgelees is of in te handig (geteken) by detensieklas	X 1		Detensie (1)
		X 2		Detensie (2)
		X 3		Opskorting van eksamenvoorregte
18.	Versium om bewys van afwesigheid te toon	X 1		Waarsku
		X 2		Detensie (1) (na 2 dae)

		X 3		Detensie (2)
19.	Selfoon aanskakel in klas, saalperiodes, tydens klaswisseling ens.	X 1	Ja	Neem selfoon af vir 10 skooldae
		X 2	Ja	Kwartaal
		X 3	Ja	2 Kwartale

By alle oortredings moet die leerder daarop let dat hy/sy op grond van negering van die dissiplinêre gedragskode permanent uitgesluit kan word (sien ook Suid-Afrikaanse Skolewet 84 van 1996 Artikel 8 (1)). Ouers van sulke leerders sal onmiddelik aanspreeklik gehou word vir alle agterstallige en/of uitstaande skoolgelde van sodanige leerder/s.

Die Bestuurliggaam, skoolhoof en opvoeders van Goudveld-Hoërskool onderneem om elke oortreding binne perke op meriete te hanteer. Oortredings word nie van jaar-na-jaar oorgedra nie.

Leerders wat buite skoolverband oortree is in die eerste instansie die ouers/voog se verantwoordelikheid. Indien so 'n leerder se gedrag egter die skool se naam oneer aandoen, sal hy/sy volgens die gedragskode gestraf word.

3.7 Reëls vir detensie

- 3.7.1 Die detensieklas duur Vrydagmiddae van 14:15 tot 16:15, gedragsdetensie van 14:15 tot 17:15.
- 3.7.2 Die lys van leerders word elke Woensdag bekend gemaak.
- 3.7.3 Elke leerder moet persoonlik teenoor sy/haar naam teken en ook die kennisgewing deur sy/haar ouers laat teken en tydens detensie inhandig.
- 3.7.4 Geen voedsel of drinkgoed word in die klas toegelaat nie.
- 3.7.5 Geen praterij of hulpverlening word in die klas toegelaat nie.
- 3.7.6 Normale regulasies vir skooldrag geld.
- 3.7.7 Oortredings in/afwesigheid van 'n detensieklas impliseer dat 'n leerder nie die gesag van die skool aanvaar nie en daar sal dienooreenkomstig teen hom/haar opgetree word.
- 3.7.8 Die bywoning van die detensieklas is te alle tye die prioriteit en verantwoordelikheid van die oortreder en die ouer/s moet ook daarop let.**